

ADASA NDZINOA HO DAWURBO

NYIENYIM

Onam de adasa hon enyimnyam ye per na ndzinoa a obi nngye mmfi hon nsamu a wowo no ngyetomu nye wiadze yi mu fahodzi, perperdzi, ntsentsenenee na asomdwee ne fapem;

Onam de tsia a yetsiatsia nyimpa ne ndzinoa do no dze ewurkadze nwenwen a obiara tsia aba, na afei so woabo wiadze a orega a no mu nyimpa benya fahodzi wo kasa, gyedzi, suro na ohia ho dawur de nyimpapem nyina hon ahwehwedze tsitsir,

Onam de ohia perere de yempe de yeye adasa ndzinoa ho mbra,

Onam de ohia de wotu aman na aman ntamu anyenkoye nkitahodzi mpon,

Onam de Amanaman Nkabomu Kuw mu nyimpa nyina edua Farbaa Nwoma no do agye hon gyedzi a owo adasa awose ndzinoa, nyimpa n'enyimnyam na nyimpa no bo a osom, na mbanyin na mbaa hon ndzinoa a oye per ato mu na woabo hon enyim biriw de wobotu asetsena mu kanko na atseyie mpon,

Onam de aman a wodom Amanaman Nkabomu Kuw no abo odabaa de wonye Kuw no beye ahwehwe amansuon nyina enyiedzi ama adasa ndzinoa na awose fahodzi ntsi.

KUW NO BAGUA KESE NO

Paa mu ka de:

Afei,

NHYIAMU KESE NO YI ADASA NDZINOA HO DAWURBO no kyere de: ono nye nhwhedodze tsitsir a owo ho ma nyimpa na aman nyina, ama ankorankor biara na nyimpa kuw biara, se wodze dem dawurbo yi si hon enyim a, woabo mbodzen edua nkyere na adzesua do ama nkoroko eedzi ndzinoa na fahoazi ahorow no nyi; na woatao do afa honara hon man na amanaman nhyehye do woama woagye dawurbo yi ato mu na woedzi do wo Aman a wodom Nkabomu Kuw no mu biara mu nye asaase biara a whye hon ase no so do.

Asempow 1

Wɔwɔ adasa nyina to fahodzi mu, na hon nyina ye per wo enyimnyam na ndzinoa mu. Wɔmaa hon nyina adwen na tsibowa, na ɔwo de hon nkitahodzi mu ndzeyee da no edzi de woye enuanom.

Asempow 2

Obiara wo ndizona na fahodzi a wɔada no edzi wo Dawurbo yi mu no ho kwan a nyiyimu biara nnyi mu a ɔfa no obi n'awosu anaa no honamenyi ngyegyee mbre ɔtse, de ɔye banyin anaa ɔye basia, ne kasaa a ɔkã, ne nyamesom mbre ɔtse, amanye ho adwen a ɔwo, ne man anaa asetsetena mu gyinabew a ofi mu, egyapadze a ɔwo, n'awofo hon gyinabew anaa gyinabew foror biara so a ɔwo ho. Bio, onnyi de wogyina ɔman a obi fi mu no n'amanye kwan, ne mbra anaa n'amanandze gyinabew do-de ɔman no dzi ne mansin, de ɔhye ɔman bi no nhwedo ase, anaade onnyi fahodzi, ye nyiyimu tsia nyimpa no.

Asempow 3

Nyimpadua no nkwa, ne fahodzi, na no tototo ye obiara ne ndzinoa.

Asempow 4

Onnyi de wodze obiara to nkowaasom mu anaade wɔma ɔsom ɔsomhun; ɔwo de wogu nkowaasom na ndonkɔgua korakora.

Asempow 5

Onnyi de woye obiara ayakayakadze, etsiodzendze anaa enyinyandze anaa wotsea no anaa wɔma no asotwe biara a ɔsee dasanyi n'enyimnyam.

Asempow 6

ɔye obiara ne ndzinoa de, mbra mu, wobu no de nyimpa wo beebiara.

Asempow 7

Nyimpa nyina ye per wo mbra no enyim, na hon nyina fata mbra no ne ntwitwagye a nyiyimu nnyi mu. Obiara wo ho kwan de mbra no bo no ho ban tsia nyiyimu a obu Dawurbɔ yi mu nsempow no mu biara do no, nye nunu biara a wonunu nyimpa ma cyɛ ma cyɛ nyiyimu no.

Asempow 8

Obiara a wɔayɛ bɔn etsia ne ndzinoa a mbra na amambu ho mbra ma no ho kwan no, wo ho kwan de odua asendzi baguafo do gye nsiesie ana mpata a ofata.

Asempow 9

Onnyi de abotsirnu ara wɔkyer obi, wodze no sie, ana wotwa no esu.

Asempow 10

Obiara wo ho kwan de bagua asendzifo a wonnton hon asowa nndzi tsena hwehwɛ n'asɛm mu pefee wo ne ndzinoa, n'asadze ana ewudzisɛm ho sombo bi a wodze abɔ no ho.

Asempow 11

1. Obiara a wɔabɔ no sombo bi a ɔdze ntsea nam no wo ndzinoa de wobu no de ɔdzi bem kesi de, woedzi n'asɛm ama no kwan biara a ohia de ɔdze tɔtsew no ho, na woebu no fo de mbre mbra kyere.
2. Onnyi de wobu obiara fo na wɔtsea no wo ndzeyɛɛ bi a onnye ntsea nam ase. Na eso onnyi de wɔma obi ntsea a obor no mfomdo a ɔayɛ no ho ntsea do.

Asempow 12

Onnyi de abotsirmu ara wɔdze ɔho hyehye obi no kɔkoamunsem, n'ebusuasem anaa n'efisem mu; anaade wogu n'enyimnyam na ne dzin ho fi. Ɔye obiara ne ndzinoa de mbra bo no ho ban tsia ndzeyee a ɔtsetse dem yi.

Asempɔw 13

1. Ɔye obiara ne ndzinoa de okyinkyin na ɔtsena ɔman bi n'asaase do bea biara a ɔpe.
2. Ɔye obiara ne ndzinoa de ofi ɔman biara mu (noara ne man kã ho) na ɔsan ba ne man mu bio.

Asempɔw 14

1. Obiara wɔ ndzinoa de ɔhwewɛ na onya guansuma wɔ ɔman bi do fi atsetsee ho.
2. Onnyi de dem ndzinoa yi wobisa wɔ bɔn bi a ɔmma manye ho anaa otsia Amanaman Nkabɔmu Kuw no ne nhyehyee a onyia no aye ma woridzi n'asem wɔ ho biara ho.

Asempɔw 15

1. Obiara wɔ ndzinoa de ɔye ɔman bi ba.
2. Onnyi de abotsirmu ara woma obi hwer n'amambaye, anaade womma no kwan mma ɔnnsesa n'amambaye.

Asempɔw 16

1. Ɔye mbanyin na mbaa a hɔn enyi effir hɔn ndzinoa de wɔwar na wɔwo mba, na awosu, amambaye anaa nyamesom nnsiw iyi ho kwan. Mbanyin na mbaa nyina hɔn ndzinoa a wɔwɔ no awar ho no ye per wɔ awar ber no mu nye awar no ngui no mu so.
2. Adze ara a ɔwɔ de awar no gyina do nye asakuw ebien a wɔrowar no hɔn pe a nhye nnyi mu.

3. Okun, ɔyer na mba bɔ mu kor dɛ abɔasee kuw a nyimpa kuw biara ne farbaa fi mu wɔ adasa mu, na ɔye hɔn ndzinoa dɛ nyimpakuw no na ɔman no bɔ hɔn ho ban.

Asempɔw 17

1. Obiara wɔ ndzinoa dɛ onya egyapadze a ɔye no nko nedze, anaade ɔnye nkorɔfo bi bɔ mu nya dɛm egyapadze no.
2. Onnyi dɛ abotsirmu ara wɔgye obi n'egyapadze fi ne nsamu.

Asempɔw 18

Obiara wɔ ndzinoa dɛ ɔye n'adwen, ɔsoa noara ne tsibowa, ɔfa nyamesom biara a ɔpe. Dɛm ndzinoa yi ne fã bi nye kwan a obiara wɔ dɛ ɔsesa ne nyamesom anaa ne gyedzi na kwan so a ɔfa do dze ma ne gyedzi no da edzi wɔ bagua mu anaa nsumaa mu, dɛ ɔno nko anaade nyimpa binom kã ho wɔ iyi mu.

Asempɔw 19

Obiara wɔ ho kwan dɛ ɔkyere n'adwen wɔ biribi ho. Dza okã dɛm ndzinoa yi ho nye dɛ obiara botum aye n'adwen wɔ biribi ho a ntotoananmu biara nnyi mu. Dza okã ho bio so nye dɛ otum anaa otsie asem nye nsusui biara a ɔnam kwan biara do na efi mbea nyina, na ɔma nyimpa binom so tse.

Asempɔw 20

1. Obiara wɔ kwan dɛ ɔko nhyiamu a ɔye asomdwee ase, na ɔɔɔm fekuw biara.
2. Onnyi dɛ wɔhye obiara ma ɔɔɔm fekuw bi.

Asempɔw 21

1. ɔye obiara ne ndzinoa dɛ osuo mu ma wobu ne man dɛ ɔnoara dzi bano wɔ mu, anaade obosuo mu ma woeyi ananmusifo.

2. Ɔye obiara ne ndzinoa de onya kyefa wo oman adɔdɔdze biara a wo ne man mu no mu.
3. Ɔwo de aban no tum gyina omanfo hon pe do. Dem pe yi wonam ambatow a no mu da ho a wotow no ne ber ano do da no edzi, akorɔfo a woasɔ ambatow no wo de woma wotow amba wo nsumaa mu a nhye biara nnyi mu.

Asempɔw 22

Ankorankor biara, de ɔye omanba bo, wo ndzinoa de oman no bo n'eyiedzi ho ban. Ɔwo de wofa oman no no mbɔdzen do, anaa bataboa bi a dem oman no nye oman fofor bi ye do ma omanba biara n'eyiedzi ba mu de mbrɛ oman kor no ne sikasem, n'asetsena na n'amambra no tum a oma n'enyimnyam dzi mu no tse.

Asempɔw 23

1. Obiara wo ndzinoa de ɔye edwuma. ɔye ne ndzinoa de ofa edwuma a ɔpe de ɔye, na ɔye ne ndzinoa de woma no edwumaye mu nhyehyee pa, na wɔbo noho ban fi fietsena ho.
2. Ɔye obiara ne ndzinoa de woma no akatua a ofata n'edwuma a ɔye a, nyimpa nyiyimu biaranyi mu.
3. Obiara a ɔye edwuma no wo ndzinoa de onya akatua a ɔse na ɔtsen a ɔbema ɔnye n'ebusuafo enya asetsena a ofata nyimpa n'enyimnyam, na se ohia mpo a, wo de wodze asetsena mu nhyehyee ho ekyigyina bi foa akatua no do.
4. Ɔye obiara ne ndzinoa de otsew anaa ɔdɔm edwumayefo kuw bi dua do dze bo n'eyiedzi ho ban.

Asempɔw 24

Obiara wɔ ahomgye na bɔndɔdziber ho kyefa; mber a wɔahyehye a ɔmma edwumaye mmbor do, na akwanma ber a wotua odwumayenyi no kaw so kã iyi ho.

Asempɔw 25

1. Obiara wɔ ndzinoa de ɔnye n'ebusuafo nya asetsena yi mu eyiedzi a ɔbema woenya ahoodzen nye asetsena pa, edziban, akataho, tsenabew, eduye na asetsena mu nhyehyee pa.
2. Ɔye obiara ne ndzinoa so de, ze ɔhwer n'edwuma, ɔyar, onya dzɛmdzi bi, no hokafo wu, mpanyinye ma ɔye mberew, anaade biribi ama ma onntum nnhwe noho a, onya asetsena mu ekyigyina. Ɔwo de mbasiafo a wotur mba na mbofra nyina woma hon mboa soronko. Mbofra nyina, de wɔwoo hon wo awar ase, anaade wɔwoo hon wo sɔnmu, wo de woma hon asetsena mu bambo per.

Asempɔw 26

1. Ɔye obiara ne ndzinoa de oho nwoma. Mbofraber mu nwomasua na ahyese nwomasua a ɔtse dem no nnyi de wɔgye ho sika. Ɔye nhye de abofra biara nya mbofraber mu nwomasua. Ɔwo de woma mfirdwuma, na nsaanodwuma ho adzesua nye dwumadzi horow ho nwomasua ye beberee. Suapon mu nwomasua so wo de ɔye beberee na obiara a no mbɔdzembo fata no woma no ho kwan.
2. Ɔwo de nwomasua nyina no botae ye de ɔhwehwe nyimpa dasanyi no mu nyina no mponu nye enyidzi kese a ɔbeba nyimpa mu wo adasa hon ndzinoa ahorow a wɔwo no ho. Ɔwo de otu ntsease, gyaamu-ma-ɔnka na anyenkoye mpon wo aman, nyimpakuw na nyamesom ho ekuw nyina mu; na ɔbɔboa atow Amanaman Nkabɔmu Kuw no dwumadzi ako kan dze ama asomdwee eetsim.
3. Awofɔ wo ndzinoa de wɔbekyerɛ nwomasua kor a ɔwo de hon mba nya.

Asempow 27

1. Obiara wo ndzinoa de odze noho fora ne man m'amambra mu na onya enyigye fi oman no n'amandze nsaanodwuma mu na onya kyefa wo abodze nyansape na mfaso a odze ba no mu so.
2. Obiara wo ndzinoa a ofi abodzenyansape, nwomasua anaa amandze, nsaanodwuma adzeye bi a noara dze boboo adze no mu ba no ne bamboo no mu.

Asempow 28

Obiara wo ho kwan de onya kyefa wo asetsena anaa amanaman nhyehyee a okitsa ndzinoa na fahodzi horow a woada no edzi wo dem Dawurbo wo Mpaamuka yi mu no mu.

Asempow 29

1. Obiara wo asodzi wo nyimpa kuw a otse hon mu no mu; ho nko ara nye bea a no mpontu a odzi mu botum aba a akwansiwdze bi nnyi ho.
2. Ber a obi dze ne ndzinoa na ne fahodzi ridzi dwuma no, owo de oye dza mbra hwehwe wo no ho ama binom so eenya hon kyefa nye hon fahodzi. Owo de onya no bo bra tsenenee na oye guadoadzeye de mbre ododow amambu mu eyiedzi adzeye ho ntsetsee tse.
3. Onnyi de wofa kwan biara a otsia Amanaman Nkabomu Kuw no ne nhyehyee do dze hwehwe ndzinoa na fahodzi ahorow yi.

Asempow 30

Onnyi de nyimpa biara ma nkyerease wo Dawurbo yi mu nsem yi ho a obema oman, nyimpakuw anaa ankorankor bi tum ma oayee biribi a obeseee ndzinoa na fahodzi ahorow a woada no edzi wo nwoma yi mu no.